

Коми Республикаса том войтырлөн газет



ЙОЛДА

2014
қос му
11-өд
лун

14 №
(1139)



Берба лунён!



Тайо НОМЕРЫН

Воис гажа да шонид тулыс, а сыкөд өттшөтш локтис мян республикао Коми культура лун нуодан гаж. Эжваса коми культура шөринын зылысыяс восьтисны тайо лунсө пусысыс-пöжасысыслөн «Коми Нур» ордйысьмөн.

4
л.б.

Коми Республикаса В.Т.Чисталёв нима культура колледжыс «Пельсь моляс» ансамбль неважөн локтис Сочиыс, көни медводзаыс на петкөдчис «Народные истоки» войтыркостса конкурсын.

9
л.б.

Локтан шойччан лунö кутам пасйыны православной календарын медшөр гажыяс пиыс өтиос - Берба лун. Ыджыд лунөдз вежонөн водзджык эскыс йоз пасйоны Исус Крестослыс Иерусалимө пырөмсö. Сэни Исусос гажаа да кыпыда вочаалөмаос йөзыс пальма вожысөн. Ми пальма пыдди гортö ваям берба вожыяс.

13
л.б.

Апрель 20 лунö кутам пасйыны Ыджыд лун, а такöд тшөтш и мичмөдны колькыяс да козынавны матыссалы. Юркарса 80 номера челядь садйын уджалыс Вероника Нестерова вөзий видлыны вöчны Ыджыдлунса колькы чипан кодь мыгöра мича дозмук. Да и козынавнытö татшөмсö нимкодьджык.

16
л.б.



Коми кыв велөдны отсалас робот

Апрель 10 лунö Сыктывкарын медводзаыс мунис республикаса «Развитие конструирования и робототехники в Республике Коми» семинар-сөвещанньö. Адззысьлөмö пырөдчисны муниципалитетъясын веськөдлысыяс, найос вежысыс да методистъяс. Коми Республикаса йөзос велөдан министерство да челядь пөвстын техника нырвизь сөвмөдан регионса институт корлісны весиг LEGO Education котырыс специалистъясöс да Москваыс педагогъясöс, медым найö юкисны кызди челядькөд уджö пыртöны конструирование.

Адззысьлөмыс мунис челядьлы да велөдчыс том йөзлы творчество дворечын. Роботъясөн уджавны окотысыс вермисны волыны да ас синмөн видзөдлыны, кызди котыртөма татшөмсыа уджыс.

Коми Республикаын конструирование отсөгөн велөдөмлы көсийоны пуктыны уна вын. Кольөм во йөзос велөдан министерство ньобөма нин өткымын конструктор Воркутаса, Ухтаса да Сыктывкарса школаясö. Öткымын муниципалитет и ачыс могмөдөма районса школаясö, а абу виччысьөма республикасянь сьом.

Конструкторяс ёна отсаласны челядьлы. Öд на отсөгөн поэяс водзмөстчыны оз сөмын техникаа творчествоын, но и гуманитарной нырвизыын. Найö жö вермасны отсавны велөдны коми кыв.

Finnougr.ru сайт серти

Айму

Сиöма Победалы

Көрткерос районса культура да шойччан шөрин корö пырөдчыны «День Победы в память потомкам» видеороликъяслөн конкурсö. Сийос сиöма Айму вöсна Ыджыд тышлы 69 во тырөмкөд йитөдын.

Видеороликъяс позьö ыстыны тавося апрель 25 лунөдз.

Конкурсн нимпасьяс:

- «Война в истории моей семьи» - войнаса ветеран, тылын уджалыс, войнадырся челядь йылыс кино-висьтасьом, кодъяс видеоролик дасьтыс авторлөн семьясыс.

- «Война в истории моего села» - земляк, öти сиктын олыс ветеранъяс, тылын уджалыс, войнаса челядь йылыс кино-висьталом.

- «Здравствуй, ветеран» - ветеранкөд, тылын уджалыськөд, войнадырся челядькөд адззысьлөм.

Быд нимпасын куим арлыда юкөн: 12-18, 19-25, 25 да верстыөджык арлыдаяс.

Конкурсö позьö пырөдчыны быдөнлы, кодö оло Көрткерос районнын либө чужлөма сэни, но арлыдыс медым абу 12-ыс этшаджык. Позьö пырөдчыны өткөн, позьö и котырөн.

Вермысысчос чолөмаласны 2014 вося май 8 лунö.

Колана юөрла позьö шыөдчыны **8-8(236) 9-24-49, 9-23-86** телефонъяс пыр. Электронной адрес - **kort.dosug@mail.ru**. Конкурслыс положение позьö адззыны «ВКонтакте» Көрткерос группасыс - **vk.com/kortkeros**

Көрткерос районса «Звезда» газетлөн сайт серти

КОЛАНА УДЖ

Биысь видзчысян службалён 365 во тырёмкөд йитөдын челядьлы нуөдिसны «Пожарные - детям» акция. Сыктывдін районса тыр арлыдтөм челядьлөн реабилитационной шөринса ныв-зон дорё волісны биысь видзчысян да йөзөс видзан Коми Республикаса медшөр управленіеысь, а тшөтш и став Россияса биысь видзчысян добровольной котырысь специалистъяс.

АТТЬӨ, МЫЙ ТІ ЭМӨСЬ!

Биысь видзчысян медшөр управление важөн нин ёртасьö Сыктывдін районсысь реабилитация шөринса челядькөд да велөдысьяскөд. Вонас некымынысь МЧС-ын уджалысьяс волёны на дорё, вайоны козин, ворсөдөны, нуөдөны спортивной гаж, а сідзжө төдмөдөны би кусөдчысьлөн уджөн.

Восьтіс акциясө төдса нин челядьлы брандмайор. Сійө висьталіс сы йылысь, кызди важөн йөз кусөдчылісны, кор лои восьтөма пөжарной охрана, а сідзжө пөжарнойлөн удж йылысь. Екатерина Кириченкос төдөны нин ныв-зон викторинаяс нуөдөм серти. Со и өні сійө вөлі дасьтөма сьөкыдкөд юалөмъяс. Но ныв-зон кокниа аддзисны налы вочакыв. Бур вочакывйысь быдөнлы вичмис би кусөдан машинаяс йылысь небөг-серпасасянтөр.

Челядь тшөтш дасьтысисны адзысьлөм кежлө - петкөдлісны



концерт. Наөн дасьтөм ватманын вөлі пасйөма кывбур да серпасалөма би кусөдчысь, а нөшта ыджыд шыпасөн гижөма «Аттьө, мый ті эмөсь!» Би кусөдчысьясы, шөрино вөөм гөсьтыясы тайө

лои зэв бур козинөн, өд найөс аттьөалөны асьныс челядь.


Та вылын акция эз на помась. Төдөмлуныяс бөрын ныв-зон петкөдлісны пельклун. Шөринса спортивной залын би кусөдчан службаса ветеран Александр Другов нуөдис пожарно-спортивной эстафета. Челядь юксисны командаяс вылө да бөрыисны ним. Та бөрын заводитчис ордйысьөм. Коліс өдйө пасьтавны би кусөдчан паськөм да котөртны брандспойтөн. Александр Другов аттьөаліс челядьөс, а сідзжө и нывъясөс, кодяс нинөмөн эз кольчыны зонъясысь.

Ывлаын ныв-зонмөс виччысис козин. Би кусөдчысьяс петкөдлісны, кызди найө уджалөны пөжар дырйи.

Медбөрын быдөнлы сетісны козин - би кусөдан ворсан машина. Велөдысьяс аттьөалісны акцияө пырөдчөмысь. Гашкө, татшөм аддзысьлөмыс бөрын шөринса быдтасьяс лыдын лооны би кусөдчысьяс.

Коми Республикаса МЧС-лөн медшөр управленіелөн юөр серти.





Воис гажа да шоныд тулыс, а сыкөд öттишöти локтис миян республикаö Коми культура лун нуöдан гаж. Эжваса коми культура шöринын зильысыяс восьтисны тайö лунсö пусыысь-пöжасысыяслөн «Коми Нур» ордйысьöмөн.

«Коми нур»

Пусыысь-пöжасысыяслөн татшöм конкурсыс нуöдсö нин коймод во. Первойя кыкыслөн нимыс вöли «Коми смак». Öни гаж дасьтысыяс мөвпалöны вöчны ордйысьöмсö быд тулыс да нимодны ыджыд сцена вылын.

Таво конкурсыс неуна мөд ногөн мунис: тшöктöмъясыс вельмисны, а тшöбш и сёян-юаныс.

«Коми нурын» ворсисны-ордйысисны кык команда: «Монди СЛПК» общественной советысь том водзмöстчысыяс да «Коми войтыр» öтмунöмлөн эжваса юкөнись «Эжваса комияс» котыр. Конкурсö пырöдчысыяс водзвыв эз висьтавыны ассыныс рецептсö, та вöсна гаж нуöдысыяс да донъялысыяс эз тöдны, мыйöн кутасны чöсмöдлыны тайö рытö.

И со заводитчис гажöдчöм! Командаяс заводитисны пусыны.

Пызан вылын: картопель, көчан, кушман, чери, йöв, нök, тшак, ырöш. Со кымын коми вöлöга! Миян пöль-пöчлөн сёян! Аняс бура ставсö вöчисны: кужöмөн да öдйö, весиг пусисны выль пöлöс мультиваркаöн. Зиль көзяйкаяс вöчисны быдсикас сёян-юан, а видзöдысыяс эз весь пукавыны. Нуöдыс Елена Иванова ворсöдис гöстъясöс весиг сцена вылö пөтавлöмөн. Ставныслы вичмис козин: коми сёян-юанлөн рецептъяса небöг. Сэккості нывбабаяс пыр на пусисны, а гажöдисны найöс челядёлн «Сударушка» котырысь сылысь-йöктысыяс.

Кöть и урчитöм кадыс этша колис, аняс ставсö удитисны! Зал

пасьта кутис кывны чöскыд, важся коми сёян дук. Ставныс дуль петтöдз виччысисны конкурс помасьöм, медым зильджыка видлыны чöсмаянторъяссö.

Жюри серти - став сёяныс бур да чöскыд. Кыкнан котырыс петис вермысьөн! Быдöнлы на пöвстысь вичмисны дона козинъяс.

Гажöдчан рытыс коли öдйö, но чöскыда. Видзöдысыяс дыр на эз лэдзны анясöс, ёна юасисны, кыдзи колö вöчны важся коми сёян-юан, да гижалисны аслыныс. А гаж дасьтысыяс эскöдисны, мый и водзö кутасны вöчны татшöм конкурссö, но паськыда нин да ыджыд сцена вылын.

Кура НИКИТИНА



АДДЗЫСЬЛӨМ

Март 28 лунё «Гренада» челядьлы бурдөдчан-велөдчан шөринын чукөртчылісны сизимдас сайё том йөз. Буретш тані вөлі котыртөма «Воча воськов» слёт, кытчө волісны юркарса челядьлөн да том йөзлөн общественнөй котыръяс.

Ставыс тіян сайын, ныв-зон!

Мыйла томулов чукөртчисны буретш «Гренадаын»? А сы вөсна, мый водзтіджык тані вөлі челядьлы лагерь, көні ныв-зон зэв гажаа колялісны каникул. И весиг талун на «Гренадаын» быттё оло тайё отувьялуныслөн ловшыыс.

Слётлөн медшөр могнас вөлі төдмөдны юркарса уна сикас котырын водзмөстчысь том йөзөс отамөдныскөд, юксыны вөчөмторнас да гөгөрвоөдны налы отувья уджылыс коланлунсө. И, дерт, медса кокни тайёс вөчны ворсөм пыр.

Ныв-зонмөс юклісны котыръяс вылө. Медым лоны вермысьөн, быд командалы коліс бура гөгөрвоны ота-мөдсө, колігөн өдйө локны отсөг вылө, а сэсса отлаын жө да сьолөмсянныс радлыны. «Верёвочный курс» ордйысьөм өдйө и отувтис ворсысьясөс. Быдөнлы ковмис петкөддыны асьсө ёнөн, быдтор кужысьөн, повтөмөн - өд налыс кокъяссө көрталісны ота-мөдныскөд көвийөн. Сэсса вор-



сысьяс дөра вывті катлөдлісны мач. Та бөрын том йөзлы вөзйисны пырөдчыны сідз шусяна делөвөй ворсөмъясө: тайё «Ты дорын» да «Экологика». Ныв-зонлы коліс петкөддыны, кыдзи эськө найё сямасны сёрнитчыны колана йөзкөд, медым пөртны олөмө асьыныс соцпроектъяснысө.

«Гаж вөчам отлаын» творческөй мастерскөйын водзмөстчысь томуловөс виччысисны содтөд төдөмлун сетысь педагог Елена Тарасова да сылы отсасысьяс - Сыктывкарса челядьлы да велөдчысь том йөзлы творчество двөречө ветлысьяс. Окотитысьяслы позис видыны режиссёравны да лөсьөдчыны кутшөмкө гаж кежлө.

«Школаса медиа шөринын» ныв-зонлы позис лоны и мультипликаторөн да часөн-джынйөн вөчны «Маша и Медведь» серамбана мультфильм. Томулов весиг нимсө бөрийисны ёна лөсяланаөс - «Маша локтис Гренадаө». Шынас эджык сідзи артмы да, нөшта на серамбанаджык мультфильмыд лоис.

«Пресс-экспресс» творческөй мастерскөйын том журналистъяс кужөмөн вөчисны асьыныс удж - муртса часөн кымын найё дасьтисны фоторепор-



таж, босытисны блиц-интервью да лэдзисны ичөттик газет. Слёт тупкигөн журналистъяс петкөдлісны вөчөм удж йывсыс презентация.

Асланыс төдөмлун-кужөмлунөн юкисны и «2014 вося лидер» карса конкурсысь финалистъяс, кодыс ордйысисны школаса котыръяс да велөдчысьяслөн асвеськөдлысьяс пөвстын. Кольөм вося татшөм конкурсас пырөдчис 12 морт. Финалөдз воисны сөмын витыс. И ни өти на пөвстысь вермысьөн эз ло. Сідзкө, том йөзлы эм на мыйё велөдчыны.

2014 воын юркарса муниципалитет шуис сетны 1 миллион шайт том йөзлөн медколана проектъяс олөмө пөртөм могысь. Ставыс тіян сайын, ныв-зон! Водзмөстчөй!

Наталья КУЗНЕЦОВА.
Снимокъясыс авторлөн
да Василий АНДРЕЕВЛӨН.



ЕНБИ

Юркарса челядлы шөр библиотекаын вöчисны кывкөртöдъяс «Волшебные очки» конкурслы.

Конкурслөн корöмъяс серти 10-14 арöса челядлы колис лыддыны Елена Козловалысь «Волшебные очки» повесът-мойд да гижны сылы помсö. Жюрилы донъялом вылö воис дас көкъямыс удж - тайö 4, 9, 11, 21, 24, 36 да 43 номеръяса школаясысь гижöдъяс.

Челядлөн уджъясыс дзик аслыспöлöсöсь. Быдөн мөвпыштöма да эштöдöма гижöдсö ас ногыс. Елена Козлова лыддьöма да донъяломма быд авторöс, и бөрйöма весиг вермысьясöс.

Медводдза места шедöдис 4 номера школаясысь 4 «а» классын велöдчысь Мария Митина. Мöд местасö юкисны кыкөн - 9 номера школайн 5 «б» классын велöдчысьяс Вика Ермакова да Лида Молодцова. Коймöд местасыс вичмис нывъяскöд жö öти классын велöдчысь Роман Яруковлы. Водзмöстчöмысь томурловöс аттьöалисны дипломъясөн да ичöтик козинъясөн.

Челядлысь уджъяс Елена

Быдöнлөн аслас висът пом



Козлова лыддис библиотекаын кывкөртöдъяс вöчигөн. Найö кажитчисны став кывзысьыслы. Торйөн Елена Козлова аттьöалис 36 номера школаясысь 4 «а» классын велöдчысьясöс - Алёна Газиеваöс, Екатерина Зайцеваöс да Данил Шпилевöс, кодъяс тшöтш волисны библиотекаö. Конкурсö

пырöдчысьяс пöвстысь быдöнлы вичмисны аттьöалана кывъяс, а тшöтш и видзöдысьяссянь дыр кад чöж клопайтöм.

С.Ю.СТРЕКАЛОВА,
юркарса челядлы шөр
библиотекаын веськöдлысьöс
вежысь.



ЧУКÖРТЧЫЛÖМ

По дзоньвидзаөн!

«По дзоньвидзаөн!» акция нуöдисны Удора районса Усогорск посёлöкын семьялы да челядлы социальной отсög сетан шöринысь специалистъяс. Гажсö дасьтылисны йöзöс дзоньвидза олöм вылö ышöдöм могысь.

Специалистъяс висъталисны улич кузя мунысьяслы, мый эм дзоньвидзалунлы сиём войтыркостса лун, корисны вочавидзны некымын юалöм вылö, кызди видзчысьны висьöмысь, ёртасьöны-ö спорткöд.

Юасьöм петкöдлис, мый унаөн оз тöдны календарын дзоньвидзалунлы сиём войтыркостса лун йылысь. Нимкодьмöдö, мый унаөн зильöны видзны дзоньвидзалунсö, радейтöны спорт, колана ногөн сёйöны, оз юны-куритчыны.

Акцияö пырöдчысьяслы разöдисны витаминъяс. Бать-мамлы сетисны челядöс колана ногөн быдтöм кузя памятка, а челядлы - дöверие телефонлөн номера календар.

Социальной технологияс сöвмöдан регионса шöринлөн юбр серти.



Аддзысьлытөдз, төв!

Тулыс... Виччысям лым сълөм, шондөдөм. Меным окота, мед эськө өдйөджык воас тулысыс. Зильджыка мед чепөсьясны пуяслөн медводдза корьяс...

Гоз-мөд лун сайын өна турөбалис. Ывла вылын - син ни пель! Пөльтис чизыр төв, кок йывсьыд зилис уськөдны. Гөгөр тыртліс лымйөн - гортсьыд петны он вермы. Зыртчан уджъяс сюрлісны ставлы. Тайө төв ас йывсьыс сетө төдны, оз на көсйи бур ногөн мунны.

А талун... Дивө да и сөмын! Став сьөлөмсяныс дзирдалө шонді, весиг синтө ёрө. Сы выйөдз югыд, мый дыр видзөдөмысь синмыд пондө доймыны. Югыдлунсө нөшта сетө выльөн усьөм лым, коді еджыдсьыс-еджыд, весиг дзирдалө. Сійө сөмын на мыськөм сөстөм шебрас кодь. Видзөдан тайө серпас вылас да любуйтчан: выльөн пуксьөм төв! Да, дзик төвся серпас. Сөмын югыд рөмыс унджык.

Вот татшөм төв пуксьывліс аслас бөръя здукъясө, аслас прөщайтчан кадө. И ми шум: «Аддзысьлытөдз, төв! Виччысям тэнө мөд во сөстөм лымнад, кодзыд сынөдна, збодер эбөснад!»

**Марина ШИРЯЕВА,
6 классын велөдчысь.**

**Көрткерөс районса Шойнаты сикт,
«Том корреспондент» котырө пырөдчысь.**



Радейтана кад

Тулыс - тайө мича кад,
Ме сылы вывті рад.
Надзөникөн сълө лым,
Муыс абу нин дзик кын.

Петө вижөдыштөм кор,
Лэбач сьылөм абу нор.
Эжва юным регыд воссяс,
Муыс ставнас-ставнас повзяс!

**Таня ПОПОВА,
2 класса велөдчысь,
«Том корреспондент»
котырө пырөдчысь.
Көрткерөс районса
Шойнаты сикт.**

Регыд тулыс

Регыд кутасны жургыны шорьяс,
Пу вылын мыччысясны корьяс.
Шонді өна пондас пөжны,
Муыс вынсө кутас чөжны.
Лэбач сьылөм кутас кывны,
Лым зэв зіля пондас сывны.
Мыччысяс виж юра дзоридз
И оз пемды вывті сөрөдз.

**Карина ЛАДАНОВА,
2 класса велөдчысь,
«Том корреспондент»
котырө пырөдчысь.
Көрткерөс районса
Шойнаты сикт.**



Сыктывкарын котыртчывліс художественнэй творчествоя «Радейта тэнö, муса чужанін» карса конкурс. Сэтчö пырöдчис юркара 46 детсад. Ставыс чукөр-мывліс 112 удж, мый пöвстысь донъялысьяс бöрйисны медмичасö да медтöдчана-насö. Жюри сюся видзöдіс вöчöмторъяслысь аслыспöлöслунсö, уна-ö вын сэтчö пуктісны челядь да налөн велöдысьясныс, а тшöтш и сійöс, ме-дым уджыс лöсяліс коми культуралөн традициялы. Конкурс котыр-тысьён вöлі 80 номера садйын водзмöстчысь да ИЗО дисциплина нуöдысь Вероника Нестерова.



ВОДЗМÖСТЧÖМ

Коми культура челядь синмöн

Уджяс донъялісны квайт нимпас серти. Тайö: «Серпас» - вермысьнас лои 111 номера садйысь Александра Глушкова. «Коллаж» - медбурөн шуисны 14 номера садйö ветлысь Маргарита Дергсенлысь уджсö. «Макет» нимпасын вермысьён лои 104 номера садйысь быдса котыр - Паша Вилков, Регина Некрасова, Дима Данилов да Лера Страусова. «Коми йöзкостса мифъяс да преданиеяс» нимпасын медбур уджсö вöчöмаöсь 23 номера садйö ветлысьяс: Ирина Нестерова, Мирослава Братенкова да Алина Конакова. «Акань» нимпасын вермысьнас лои 39 номера садйысь старшöй группа. «Декоративно-прикладнöй творчество» нимпасын медбур уджөн жюри шуис 110 номера садйö ветлысь Света Серовалысь коллажсö. Торйөн пасйисны зэв аслыспöлöс уджяс, кодыяс шедöдісны сідз шусяна «приз зрительских симпатий». Тайö 17 номера садйö ветлысь Алина Туляковалөн да 109 номера садйысь Арина Лапшиналөн уджяс.

Конкурс петкöдліс, мый дзöлюкъяс окотапырысь тöдмасьöны коми культура-традицияөн и нимкодпырысь босытчöны вöчны накöд йитчöм уджяс.

Кристина СЕРГЕЕВА



ЕНБИ Коми Республикаса В.Т.Чисталёв нима культура колледжысь «Пелысь молясь» ансамбль неважён локтіс Сочиысь, көні медводдзаысь на петкөдчис «Народные истоки» войтыркостса конкурсын.

«Пелысь молясь» - Сочиын

Конкурс мунёма март 27-31 лунгясё. Жюри донъялома 96 йозкост сьылысь-йоктысь котырös. А став петкөдчысьыс вёлма 1.500 сайö морт. Татшөм конкурс сего позянлун том йозлы төдмасьны мукöд войтырлөн культура-традицияөн, а тшөтш и öта-мөдныскöд, да водзö вылö кутны топыд йитöд.

«Пелысь молясь» веськөдлысь Татьяна Пупышева да балет-мейстер Ольга Просужих пуктісны уна вын, медым ансамбльö ветлысьяс вермисны петкөдчыны асьнысö колана ногөн. Тадзи и артмис. Жюриын пукалысьяс, Россияса, Украинаса да Белоруссияса мастерьяс, вылö донъялысны Комийсь сьылысь-йоктысьясöс. «Йозкостса хореография» нимпасын найö шедöдісны 2 степеня диплом. Нöшта «Пелысь молясь» ансамбльös корöмаöсь



Асьыныс кужöмлун-сямлун петкөдлөм кындзи студентгьяс босьтöмаöсь бытöвöй йоктöм кузя мастер-класс, кодös нуöдöма Москваысь фольклор серти нималана специалист Вячеслав Асанов.

Конкурс вылö ветлысьяслөн и оланіныс вёлма синтö вежоданаөн. Олöмаöсь саридз бокин «Южное взморье» гостиницаын. Став петкөдчöмыс да мастер-классыс мунёма тані жö. Студентгьяслы да велöдысьяслы нöшта котыртлöмаöсь экскурсияяс, кодьяс төдмөдöмаöсь мукöд регионьыс воысьясöс Сочи карөн да Олимпийскöй грезкöд, а тшөтш и вёлма позянлун гуляйтны саридз бокті.

Бöрсö локтігас ансамбльлы эськö ковмис 8 час пукавны Москва вокзалын да виччысьны Сыктывкарлань мунысь поезд. Но, кыз шуласны, ас йöзыд век ас йöз. Прöст кад коллялөм



петкөдчыны гала-концерт вылын «Шондібан» номерөн. 198 петкөдчысь пöвстысь сэтчö веськалöмаöсь сөмын дас көкъямысыс.

дорысь Россияса президент бердын Коми Республикаса представительствоын зільысь Валерий Коробов котыртліс томуровлы Москва кузя экскурсия. Сылөн отсасьысьяскөд ныв-зонлы мойвиис волыны Гөрд изэрдөдз да мукöд мича инöдз.

Тайö ветлöмыс «Пелысь молясь» пыр кежлö коляс паметяс, öд Сочиö ветлөм лоис аслыспöлöс югыд кодзулөн налөн том олöмын. И зэв нимкодь, мый медводдзаысь Россияса тшупöд вылö петалöмыс артмис колана ногөн, бура да ыджыд вермөмөн.

Миян корр.

Снимокьясыс культура колледжлөн сайтсысь.



КОНКУРС

Иван Алексеевич Куратовлөн чужомсяньыс 175 арös тыригкежлö «Йöлöга» газет юöртлiс «Со кыдз сийöс тöда ме...» сочинение-гижöдъяса конкурс.

Медводдза уджъяс редакцияö воисны Ухта районса Кедвавомысь 32-öd номера школаын велöдчысьяссянь . Налөн велöдысь Татьяна Валериевна Жукова ышöдöма томуловöс пырöдчыны конкурсö, а ми окотапырысь йöзöдам найöс да вöзъям мукöдлы тшöтш пырöдчыны конкурсö.

«Со кыдз сийöс тöда ме...»

Сыктыв вожын, сьöд вөр шöрын, уна во чöж сулалö Кебра сикт. Тайö сиктас, вичкосянь неылын, вöли важ керка, көни чужис да быдмис медводдза коми поэт. Батыс первой пöнöмаравлiс гортса сиктас, сэсся дякöнавлiс. Мамыс вöли тайö жö сиктсыс крестьянин нылөн. Куратов гозьялөн вöлöма 9 ныв да пи, медбөръяыс - Иван. И найö олісны сiдз жö, кыдз и мукöд крестьяналөн семья: асьныс гөрлісны, кöдзлісны, пуктылісны турун, виччысисны нянь воём. Бать-мам, көть и гöлиника олісны та мынданад, зiлісны велöдны челядьнысö.

Иванлы эз на тыр и квайт арös, кор кувсис сылөн батыс. Куратовлөн мамыс вöли вежöра нывбабаөн, ёна радейтiс челядьсö да пуктiс став вынсö, медым велöдны найöс да сувтöдны кок йылас.

Ваня вöли сюсь вежöра, зиль да быдтор тöдны көсйысь мортөн, ёна радейтiс кывзыны мойдыс. Войпукъяс дырйи сюся кывзыліс том йöзлысь лывкйöдлöмөн сьылöмсö, көни кыліс коми йöзлөн нэмöвöйся шогыс и синваыс, тшыгыялöмыс и бöрдöмыс.

Вöли Иван Алексеевичлөн öти ыджыд мог - сетны уджалысь йöзлы образование, кыпöдны культура. Сийö тöждысис, медым школаясын коми челядьöс велöдiсны ас кыв вылын.

Поэт эз эскы Енлы, а лыддис, мый став выныс, став олöмыс, став мичлуныс вөр-ваын, кодлы абу «пом ни дор».

И. Куратовс зиль уджысь вöли пасйöма коймöд степеня Станислав орденөн (Октябрьскöй революцияöдз сетлісны школаын бур уджысь) да коймöд степеня Анна

орденөн. Мöдыс военной орден. Поэт öд Шöр Азияс Казань бöрын уджалiс военной ведомствоын.

Кувсис поэт 36 арösөн Верный (öния Алма-Ата) карын.

**Жанна ДУРКИНА,
7 класс.**



Став олöмыс - öти кывбурын

Иван Алексеевич Куратов - медводдза коми поэт, коми литературалы да гижöд кывлы подув пуктысь.

Куратов дырйи вöли сэтшöм олöмыс, мый унаöс лыддисны правительстволы паныд мунысь йöзөн. Вескаліс на пöвстö и коми поэт. Сийö Усть-Сысольскын олiгөн гижöм кывбуръясын водзö кыпöдö гырысь социальной тöждамог. Поэт петкöдлö нартитысьяслысь зверь нога пытшкöссö, озыръяс дiнö лöглун, сэк жö висьталö уджалысь голь йöзöс пыди пуктöм да на дор сулалöм йылысь. Тайö сэтшöм кывбуръяс, кызди «Голь зон», «Коми бал», «Пемыд», «Усть-Сысольск». Та вöсна и көсйисны тупкыны Куратовлысь вомсö. Вöлöма сийö торъя надзор улын, и «начальство» казтывлöма поэтöс аслас докладъясын весиг 1866 воö.

Удж кузя поэтлы ковмывлiс ветлыны кузь да сьöкыд коман-

дировкаясö. Сэкса элалöм кадö сийöс аддзылісны унаысь Кульджаын, Лепсаын, Капалын, Иссык-Кульын, Ташкентын да мукöдлаын. Со кольöма 1875 вося депеша-телеграмма: Туркестанс генерал-губернатор корö Куратовс капитан Эман да барон Гревенец делö кузя. И поэт, туберкулёзөн зэв дыр висьöмысь дзик нин косьмöм морт, мöдöдчö курьер вöвъясөн Ташкентö, кытчöдз 900 верст. Кольö тöлысьөн-джынийөн кад, и Алма-Атаö бөр воём мысти Куратов кувсьö, ойдö вирөн. Тайö вöли 1875 вося ноябрь 29 лунö.

Алма-Атаын, көни Куратов кувсьытöдзыс уджалiс көкъямыс во, ковмыліс ноксыны зэв уна листа «делöясөн». Но та вылö видзöдтöг, поэт эз шыбит коми поэзия лöсьöдöм. Тайö воясас сийö тэчис асьыс медбөръя хрестоматия, кодлы пуктiс «Коми гор» ним. Татчö пыртiс воддза

гижöдъяссö, но выль редакцияын нин, а тшöтш и дзик выль кывбуръяс. Подуласис Гугов псевдоним улын.

И.А. Куратовлөн мянöдз воис кыксё сайö серпаса гижöд. Унатор воши гижöдъяс костысь. Но сийö, мый колiс öния кадöдз, чуймöдö лыддысьсысьöс. Куратов кувсис. А коми йöз воштiсны веськыда сёрнитысь гражданинöс да зиль мортос.

Дерт, кывбуръяссö Куратовлысь ставөн радейтöны. Но меным медъяна сьöлöм вылö воö «Менам муза» кывбур. Тайö кывбурас поэт асьыс творчествосö шуö музаөн. Сийöс Куратов некодлы оз көсйи сетны да нинöм вылö оз веж. Коми кывйөн поэт гижис и кутас гижны став збыльсö, мый эм чужанинас. И ставыс тайö петкöдлöма öти кывбурын.

**Настя СЕМЯШКИНА,
8 класс.**



Коми кыв нимöдысь

«...Тайö кывлысь мичсö
Сьёлöмön ме кылi -
И ме медводз сьён
Ньöжйöника сьылi...»

«Иван Куратов вöли сэтшöм
поэтгяс лыдысь, кодгясöс асла-
ныс йöз, асланыс Чужан му дiнö
помтöм муслуныс вöчис кувтöмг-
ясөн, поэзь шуны - легендар-
нойясөн».

Радейтiс Иван ассъыс мамсö.
Со кызди гижö поэт:

«Кор ме вöли кык арöса,
Меддона мем вöли мам;
Кор ме лои кызь арöса,
Пыр мем медся гона мам».

И кор поэт ёна висъмыс, кутiс
синтöммыны, сийö бара казь-
тывлiс мамсö, кодi тшöтш вöли
синтöммöма уна шог вöсна
бöрдöмысь.

«Чужсьöма синвайöй öнi,
Маманöй! Гу вылаг уся...
Мый тэа-меа зэв шудтöмöсь,
Абу тай гуся!»

Куратов семьяын радейтiсны
литература. Ыджыдджык вокыс,
Василий, ачыс гижлiс кывбургяс
да чукöртiс йöзкостса поэзия.

Поэт радейтöмön гижис сикт-
са уджалысьяс йылысь, тöдчöдiс
налысь морт сямнысö, кутшöм бур
сьёлöмаöсь да зильöсь. Тшöтш
гижис сы йылысь, кутшöм
сюсьöсь да збойöсь коми войтыр,
кызди кужöны радейтны да га-
жöдчыны, зильöны корсьны аслы-
ныс бурджык олöм да шуд. И
сьёлöмöдзид йиджтысяна прöстöй
кывйöн поэт гижö коми кывлөн
мичлун йылысь:

«Коми кыв, ме тöда,
ыджыдтор оз шу на,
Тöда ме и сийö -
оз и сөр на уна.

...Тайö муса кылөн
чой-вок сёрнитöны!
Тайö кылөн менам
ай-мам бур сиöны!
Тайö кыв ме кывлi
аслам люлю дiнын,
Сийö менам вунас
сöмын дзеванiнын!
Тайö кывлысь мичсö
сьёлöмön ме кылi -
И ме медводз сьён
ньöжйöника сьылi...»

Тайö лöсьыд, мича кывгяс вы-
лас композиторгяс гижöмаöсь
уна сикас шылад. Поэт бура
гöгөрвоö, мый войтырлөн эм
помтöм вын. Но мыйлакö найö

сетöны асьнысö нартитны озырг-
яслы. Öд найö велöдчытöмöсь,
сiдзкö, синтöмöсь, да тадзи лоö
сэтчöдз, кытчöдз йöз оз кутны
шедöдны грамота. Велöдчöм
йöзлөн кутас кыпавны и культу-
раыс, и коми поэзия заводитас
сöвмыны ыджыд воськовгясөн.

«Уна тöдысьясöс
Найö шензьöдасны,
Тэнö, коми сьылан,
Ылö нимöдасны!»

Поэт адзис и стöча индiс, кы-
тысь колö корсьны сьылöм вылö
темаяс да мотивгяс, кутшöм ногөн
колö тайöс вöчны. И ачыс воча-
видзö - «юасигөн ныв-зонлысь». Öд
сьыланкывйын веськыда пет-
кöддыны йöзлысь олöмсö поэзяс
сöмын сэк, кор асьныс найö висъ-
таласны быдлунгя олöм йывсьы-
ныс. А голь грездгясас йöзлөн,
дерт, эз вöв «вья олöм». Та йы-
лысь и колö сьывны, да сьывны
гораа, повтöг, медым кылiс став-
нас сэкса войтырыс:

«Корсям сьыланкыв ас шöрысь,
Ас му-ва вылысь, ас вöрысь,
Асланым голь грездгясысь,
Юасигөн ныв-зонлысь...
Кодыр асланым ног сьылам,
Шог-гаж морта-мортлысь кылам,
Кысь пыр долыг сьылансö?..
Пондi ме, тi кутчысьöй!»

Но Куратовлы вöли дона став
войтырыс, и сийö öткодя адзис
бурсö и тырмытöмторсö кызди
аслас коми йöзлысь, сiдзи и му
шарвывса мукöд войтырысь.
Аслас уджгясын сийö гижис роч,
ненеч, удмурт, йöгра, финн, не-
меч, француз, англия, америка-
неч да мукöд войтыр йылысь.
Тайöн сийö петкöдлiс, мый öз поэз

гижны сöмын ас йöз йылысь, мый
коми гижысьяслы колö восьтны
и мукöд национальносгтылысь ас-
лыспөлöслунсö. И медым тайöс
вöчны, дерт, колö гöгөрвоны
мукöд войтырысь психологиясö,
пытшкöсса олöмсö сiдз жö бура,
кызди гижысь кылiс аслас
йöзлысь чувствояссö да олöмсö.

Уна дас во И. Куратов эз вöв
тöдса йöз пöвстын. Эз тöдны и
сылысь гижöдгяссö. И сöмын Ок-
тябрьса революция бöрын сьылөн
литература да туялан уджгясыс
лоисны тöдсаöсь эз сöмын коми
лыддысьысылы, но и мукöд рес-
публикаса войтырлы.

И. Куратов вöли бура велöдчöм
мортөн, тöдiс дас сайö кыв, а пле-
мянникыслөн индöм серти - ве-
сиг 25 гöгөр. Польскöй кыв Ку-
ратов велöдiс, кор олис Усть-Сы-
сольскын кык во чöж öти керка-
ын ссьыльнöй полякгяскöд. Найö
татчö волöмаöсь Польшаын 1863
вося кыпöдчылöм бунт пöдтöм
бöрын. Полякгяс волöмаöсь ве-
жöра йöзөн, тöдöмаöсь суйöрсай-
са кывгяс, уджалöмаöсь озыр
купечгяс дорын гувернёргясөн.

1923 воын нималана поэт да
туялысь Василий Ильич Лыткин
медводдзаөн Сöвет власгт дырйи
восьтiс Куратовс кызди поэтсö
да йöзöдiс сылысь гижöдгяссö.

Сыктыварын 1969 воын вос-
сис Куратов музей, а 1977 воын
нин театр да опера балет водзын
сувтöдiсны памятник. Авторнас
вöли В. Мамченко. Юркарын эм
и Куратов нима улица, а Сыктыв
районын - Куратово (Кебра) сикт.

Настя ИЗАЙ,
8 класс.



ГАЗ

Март помын Санкт-Петербургы муніс челяды да том йөзлы «Преображение. Праздник Весны» войтыркостса творчества конкурс. Тайө фестивалыс Россияса 10 медбур культурной проектяс лыдын, а котырто сійөс «Биневал» отсөг сетан фонд.

Эжваса ныв-зон паныдалісны тулыс

Гаж выло воліс страналон быд пельосысь 1.500 сайө челядь да том йөз. Найө ордысисны 30 нимпасын, творчества быдсикас жанрын: сьылөм, йөктөм, художествоа кыв, инструментон ворсөм, киподтуя удж, мода.

Татшөм вылыс тшупода конкурсын петкөдчисны и миян республикаысь ныв-зон. Тайө - Эжва районса 1 номера гимназияын велөдчысь, «Глобус» сьылан ансамблын водзмөстчысь Александра Валяева, «Сказка» творчества котыр да Эжва районса жө содтөд төдөмлун сетан шөринысь «Реверанс» студия.

Семён Вашулевский лыддис В.Высоцкийлысь «Песня самолёта-истребителя» кывбур, Алексей Двоеглазов - М.Шолоховлөн «Судьба человека» повестьысь юкөн. Театральяс да йөктысьяс петкөдлісны «Брысь..» спектакль. Жюриын пукалісны нималана актёрьяс, музыкантыяс - өти кывйөн кө, Россияса «кодзувьяс». Найөс миян ныв-зон шензьөдісны нөшта татаралөн, белорусьяслөн, а сідзжө «Туман» да «Водоросли» йөктөмөн. «Реверансын» йөктысь, велөдысь-хореограф Полина Щебелева зэв жө мичаа петкөдчис.

Конкурс кындзи, «Реверанс» студияса сьылысьяс пырөдчисны



өня да классика ныввизьясын йөктан мастер-классө. А прөст кадө ныв-зон удитісны ветлыны кунсткамераө, Эрмитажлөн выставка выло, океанариумө, аддзылісны Санкт-Петербургылысь мича иньяс.

Конкурслы кывкөртөд вөчөм бөрын Эжваса ныв-зон шедөдісны приза местаяс. Семён Вашулевский лои 1 степеня лауреатөн, Алексей Двоеглазовөс торйөдісны 2 степеня дипломөн «Художественное слово» нимпасын. «Театр» нимпасын 1 степеня дипломьяс шедөдісны «Сказка» да «Реверанс» студия.

«Классический танец» номинацияын 1 степеня диплом вичмис Полина Щебелевалы.

«Эстрадное пение» ныввизьян 1 места вичмис Александра Валяевалы. Сійө сьыліс «Черепашья талия» да «Ожившая кукла».

Конкурсыс зэв кыпыда муніс да коліс миян сьөлөмын кыпыд казгытлөмьяс.

Миян корр.



Пөчө КУДИЫСЬ

Локтан шойччан лунё кутам пасйыны православной календарын медшөр гажъяс пиысь өтиөс - Берба лун.

Біджыд лунөдз вежонён водзджык эскысь йөз пасйоны Исус Крiстослысь Иерусалимө пырөмсө. Сэни Исусөс гажаа да кыпыда вочалөмаөсь йөзыс пальма вожъясөн. Ми пальма пыдди гортө ваям берба вожъяс.

А мыйла буретш берба? Вөлөмкө, тайөс позьё бура гөгөрвоодны. Миян Біджыд лун водзад ёна на кодзыд овлө, пуяс вылын гар оз на пот. И сөмын берба сэк кежлө поткөдө гарсө да нимкодъмөдө миянөс аслас гөна исергаяснас.

БЕРБА лунся поводдяыс кө шондіа - бур урожай лоө.

БЕРБА лунө вожъясөн колө вачкыштны матысса-ястө да тшөтш и пемөстө, шуавны: «Берба лачкө, ме ог лачкы. Юр йывсянныд кок улөдзыд дзоньвидзалун сет».

ЧЕЛЯДЬЛЫ позьё шуавны: «Берба быдмө, и тэ сы моз быдмы».

КЫТЫСЯНЬ тайө лунө төлыс пөльтө - сэтысянь и гожөм чөж шутьялас.

КӨТЬ и берба вожъясыс тайө лунө вынаөсь, унаөн нулөны сійөс нөшта вичкоө вежөдны.

БЕРБА лунө көзаякаяс пөжавлөмаөсь печенньө.

ПОЛЫСЬ морт да рам морт кө көсийө лоны повтөмөн - сылөн керкаас колө тувйыштны берба вожъяс.



ЁНА гымалігөн либө йиа зэр дырйи берба чальяссө перйөны да пуктөны өшинь вылө - видзас керкаө чард да йи веськалөмысь.

БЕРБА вожъяснас колө пернапасавны керка стенъяс да пуктыны сійөс быдса во кежлө ен ув пельсө.

А выльлунсянь нин - апрель 14 лунсянь - заводитчө страстной вежон. Эскысь йөз быд лун кевмысьоны Енлы. Уджалөны, сөстөммөдөны оланін: став керка пелькөдөны-весалөны няйтысь - лөсьөдчөны Біджыд лун кежлө, кодөс кутам пасйыны апрель 20-өд лунө.

Берба лунөн!

БЕРБА колө быть вайны Берба лунся асылө - сэки сійө медся вына.

МУӨ бытшкөм берба видзө урожай.

БЕРБА вермө сетны дзоньвидзалун и йөзлы, и пемөслы.

БЕРБА видзө висьөмъясысь да тшыкөдчысь-керысьясысь.



ВОЛОМКО

Мортлысь вир-яйсö пыр на туялöны учёной-бурдöдысьяс. Оз öти сё во нуодны та серти удж, но пыр на мыйкö выльтор тöдмалöны. Мортлön вир-яй йылысь вайöдам некымын шензьöдана юр.

Морт йылысь быдтор

Юр вем

Юр вем - медся туявтöм да медся шензьöдана орган. Со мый позьö стöча шуны.

* Мортлön клетка вермö кутны 5 пöv унджык юр кутшöмкö энциклопедияысь.

* Юр вем босьтö вир сөнö воысь кислороддысь 20 прöцентсö.

* Войнас юр вем ёнджыка уджалö лунся кадысь.

* Учёнойяс серти, кымын унджык IQ, сымын унджык мортыс вöтасьö.

* Юр вем оз кыв дой.

* Юр вемлön 80 прöцентыс - ва.



Юрси да гыж

* Чужöм вылад юрсиыд öдйöджыка быдмö мукöд ин дорысь.

* Быд лун морт воштö шөркодя 60-сянь 100-öдз юрси.

* Нывбабалön юрси кызтаыс кык пöv вöсниджык мужичöй дорысь.

* Мортлön юрси сi вермö кутны 100 г сьöкта.

* Ки вылын шөр чуньлön гыжйыс öдйöджык быдмö мукöд дорысь.

* Еджыд юрсиа йöзлön унджык юрсиыс.

* Ки вылад гыжйыд быдмö нель пöv öдйöджык кок гыж дорысь.

* Морт юрси шөркодя олö 3-7 во.

* Медым куш юрыд тöдчис, колö, медым юрсиыд гылалас джынвийö.

Мортлön пытшкöс

Морт оз шыöдчы бурдöдысьяс дорö, кытчöдз оз висьмы. Пытшкöсса органгяс отсөгön ми сёям, лолалам, ветлöддам.

* Медся ыджыд пытшкöсса орган - вöсни сюв.

* Мортлön сёлöм вöчö сэтшöм давление, мый вермис эськö шыбитны вирсö 7,5 метраöдз.

* Лыткаын (желудокын) кислота вермö бырöдны бритва лезвие.


* Мортлön став сөн кузьтаыс - 96.000 километра кымын.

* Нывбаба сёлöм тшöкыджыка тiпкö мужичöй дорысь.

* Муслön 500 сайö уджсикас (функция).

* Аорталön диаметрыс ва киськалан шланг кодь.

* Шуйга ты ичöтджык веськыдсыс.



Вир-яйлөн позянлун

- * Быд 27 лун морт вежө кучиксө.
- * Неснитөмлөн өдыс - часөн 160 километра, а кызөктөмлөн - часөн весиг 900 километраөдз вермө вонь.
- * Нывбабаяс тшөкыдджыка лапйөддөны синнас.
- * Кокад 500.000 пөсялан железа, наысь вермө артмыны луннаслитра ва.
- * Олом чөжыс мортлөн артмөсы мында дуль, мый наөн позьөтыртны некымын бассейн.
- * Пөшти быд кага чужө лөз синмаөн.
- * 2.000 пиысь өти кага чужө пиняөн нин.
- * Ёна сөйөм бөрын морт лөкджыка кылө.
- * Ныр вермө торйөдны 50.000 дук сикас.
- * Быд мортлөн аслас дук.
- * Мортлөн нырыс да пельсыс быдмөны олом чөжыс.
- * 60 арөсын 60 прөцент мужичөй да 40 прөцент нывбаба заводитөны шкоргыны.



«Коми йөзөдчан керка»
Коми Республикаса
автономной учреждение.
Веськөдлысь
Н.Н.БЫКОВСКАЯ
Гл.редактор
Г.В.МАКАРОВА

Газет паньсы:
Печать да юөр сетан Коми
Республикаса агентство.
Регистрируйтөма
2007 вося ноябрь 28 лунө
йөзлы юөр сетөм да
культураса озырлун видзөм
кузя оланпасьяс
збыльмөдөм бөрся
видзөдысь федеральной
службалөн Беломорской
управлениеын.
Регистрируйтан пас:
ПИ №ФС 3-0686.
Социальной төдчанлуна
гижөдьяссьө йөзөдөма «Коми
йөзөдчан керка» автономной
учреждениеылы печать да юөр
сетан КР-са агентствөөн
вичмөдөм сьөм вылө.

Редакциялөн адрес:
167982, Сыктывкар,
К.Маркс улича,
229-өд керка,
401-402 кабинетьяс.
Тел. 24-12-22, 24-36-49.
E-mail: Yologa@mail.ru

Редакцияын
уджалысьяс:
том йөзлөн мытшөдьяс
юкөнөн веськөдлысь –
Надежда Пунегова;
письмө юкөнөн
веськөдлысь –
Екатерина Микушева.

Медводдза лист бокас
снимокыс
Екатерина
Микушевэлөн.

Авторьяслөн мөвпяс оз
пыр лөсявны редакциялөн
видзөдласкөд.

Тираж – 545.
Гижөдчан индекс – 52099.
«Йөлөг» газет петө
1991-өд восянь
вежоннас өтчид, комиөн.

Печатьө кырымалан кад:
график серти – апрель
төлысьлөн 9-өд лунө
16 часын; кырымалөма
печатьө 16 часын.
Газет печатайтөма
«Коми республиканской
типография» ООО-ын дась
оригинал-макетьясысь.
167610, Сыктывкар,
В.Савин улича, 81
Заказ №

Висьөм

- * Сьөлөмыд тшөкыдджыка
висьмө вьльлунө.
- * Морт вермө дырджык овны
сөйтөг, но оз узьтөг.
- * 90 прөцент висьөмыс артмө
майшасьөм понда.
- * Мортлөн юрыс 15-20 секун-
да кутчысьө ас садьын сийөс
вундөм бөрын.



Лы да яйчиг

- * Морт уджөдө 17 яйчиг (мышца) нюм-
йыштгөн, а букуштчигөн - 43.
- * Асывнас мортлөн тушаыс сантиметраөн
кузьджык рыт дорысь.
- * Мортлөн медся ён яйчиг - кыв.
- * Медся сьөкыд лы - вомкөтш лы (че-
люсть).
- * Воськовтгөн уджалө 200 яйчиг.
- * Откымын лы ёнджык көртысь.

- * Мортлөн квадрат сантиметраын 16.000 бактерия.
- * Быд минутө мортлөн кулө 3.000.000 клетка.
- * Медся ёна паськалөма вирлөн медводдза группа.
- * Кымын көдзыдджык жырийын узян, сымын удджык верман лөка вөтасыны.
- * Сьөкыд гильөдны асьтө.
- * Паськөдны кө кыкнан китө бокө - тайө и эм тушаыдлөн кузьтаыс.
- * «Правша» 9 во кымын дырджык оло «левшаысь».



Мастер-КЛАСС

Апрель 20 лунö кутам пасйыны Ыджыд лун, а такöд тшöтш и мичмöдны колькъяс да козьнавыны матыссалы. И быд козьналысьлы колö нимöдны Кростосöс.

Юркарса 80 номера челядь садйын уджалысь Вероника Нестерова вöзйö видлыны вöчны Ыджыдлунся колькы чипан кодь мыгöра мича доздук. Да и козьнавынтö татшöмсö нимкодджык.

Ыджыдлунся колькы -

Та вылö колö: чипан кольк видзан көрöб, гöрг рöма картон, гуашь, маркер, ножич да кисточка.

«Чипан»



Медводз кольк көрöб вылö серпасалам чипан. Тайö и лö миян доздуклөн сюрöснас. Сэсся сйöс мичаа вундам.

Та бöрын вундöмтортö кра-ситам еджыд гуашөн да бура косьгам.



Босьтам гöрд рöма картон, серпасалам сэтчö чипанлысь сорс, ныр-вом да тоштор и мичаа вундам.

Та бöрын косьмöм чипан формаö вöчам ныр-вом да сорс-тош вылö розьяс.



Мичмö-дам чипантö мича серьяс-өн, гуашөн да кисточкаөн серпасалам бордьяс.

Медбöрын вöчэм розьясö сюям сорс-тошсö, ныр-вомсö.

Со и дась лои миян чипаным! А öнi коли сöмын пуктыны сэтчö кольк да козьнавыны матыссаыды.



Молодеч! Чайтам да, быдöнлөн сйö артмас!

